

Tawaran Malaysia

SUVA (Fiji), Sabtu — Perdana Menteri, Datuk Seri Dr. Mahathir Mohamad, mengemukakan kesediaan Malaysia menawarkan bantuan setakat yang ia mampu kepada negara-negara jiran dan negara dunia ketiga.

Berucap di upacara "Rakatunulao", majlis tradisional Fiji mengucapkan selamat datang di Vieufo, kediaman rasmi Perdana Menteri Fiji beliau berkata Malaysia mengamalkan konsep kerjasama seperti itu dalam rangka sember dan kepakaran yang ia punyai.

Katanya, Malaysia berharap dapat berkongsi pengalaman dan kemahiran yang diperolehinya dalam pembangunan negara, yang mungkin sesuai dapat digunakan oleh Fiji ke arah keperluan dan rancangan Fiji sendiri.

"Dalam bekerjasama dan membantu dengan apa jua cara, besar atau kecil, saya yakin rakyat Malaysia akan diperkayakan menerusi pertukaran seumpama itu dengan rakyat Fiji", katanya.

Sebagai negara membangun yang kecil, Malaysia dan Fiji berminati mencapai susunan ekonomi antarabangsa yang baru di mana hubungan ekonomi antarabangsa akan menjadi lebih saksama, tam-

Dari AHMAD REJAL ARBEE

bahnya.

Datuk Seri Dr. Mahathir berkata, Malaysia baru sahaja menumpukan perhatian diplomatik kepada rantau Pasifik selatan dengan perwakilan pertamanya berpejabat di sini. (Pesuruhjaya Tinggi Malaysia pertama ke Fiji, Encik Abdul Karim Marzuki, telah mengambil alih jawatan di sini minggu lalu.)

"Adalah menjadi harapan tinggi saya kami akan mempelajari lebih mendalam aspirasi, kepentingan anda dan menikmati hubungan dua hala yang lebih aktif," katanya.

Turut hadir di upacara

itu ialah Datin Seri Dr. Siti Hasmah, Perdana Menteri Fiji Ratu Sir Kamisee Mara dan Adi Lady Lala Mara, Timbalan Perdana Menteri Ratu Sir Penala Ganilau dan Adi Lady Davila Ganilau, para anggota rombongan Malaysia dan para kenamaan Fiji.

Datuk Seri Dr. Mahathir berkata, buat beberapa lamanya Malaysia telah bergantung dan memandang kepada negara-negara maju terutama di barat untuk bantuan, buah fikiran dan pembaharuan.

Dalam usaha mencapai kemajuan sosioekonomi yang lebih giat lagi, kerajaan baru-baru ini menetapkan dasar

"pandang ke timur" sebagai menyelimkan unsur-unsur pengaruh begitu dalam pembangunan negara, katanya.

"Walaupun demikian, saya percaya masih banyak yang kita boleh raih dari nilai-nilai dan cara tradisional kita sendiri dan mempelajari antara satu sama lain dalam rantau Asia Pasifik bagi menayakan proses pemodenan", jelasnya.

Datuk Seri Dr. Mahathir berkata Fiji dan Malaysia mempunyai hubungan yang agak lama yang diwujudkan semasa darurat di Tanah Melayu, "rakyat Malaysia mempunyai hubungan mesra dan muhibah dengan rakyat Fiji".

Ratu Sir Mara berkata sewaktu Fiji bergerak ke arah kemerdekaan pada pertengahan 1960-an negara itu telah memandang ke negara-negara seperti Malaysia untuk menimba pengalaman.

Katanya sejarah Fiji dan Malaysia telah mengasingkan kedua-dua rantau tersebut tetapi dengan kumpulan serantau kian menjadi faktor utama bagi pembangunan negara dan antarabangsa di masa depan, beliau yakin hubungan antara Malaysia dengan Fiji akan bertambah kukuh.

Ratu Sir Mara berkata Malaysia adalah rakan perdagangan penting bagi Fiji. — Bernama.

No. Siri 2813

No. Penerimaan 558/85